

October 1, 2016

www.awemainta.com

www.facebook.com/awemainta

noticia@awemainta.com

583-1400



AWEMainta

Danki na Dios cu a sa di scapa Aruba

Y tambe e islanan Bonaire y Corsou

TUR hende a lanta ayera mainta, mira e situacion di Matthew tabatin un solo opinion: Danki Dios pa scapa Aruba di un calamidad.

Pesey awe nos ta publica e foto aki, cu nos a haya for di un di nos fiel lectoran pa nos comparti cu demas lectoran di AWEMainta.

INVEST SECURE N.V.
We don't just say it... We Guarantee it!!! 582 7252

High Definition Surveillance

Visit www.111SecurityInc.com

HVRs Pg 2 IP Cameras Pg 8 DVRs Pg 19 TVI Cameras Pg 22

Huez a dicta 18 aña di prison pa Yellow pa kitamento di bida di un ser humano

DIAHUEBS mainta tabatin sentencia den e caso contra Yellow. E caso a ser trata tres siman pasa den Corte den Prome Instancia.

Michelangelo “Yellow” Trenidad no a muestra interes pa bin Aruba for di St Maarten pa bin tende su veredicto y a laga su abogado haci esaki p’e. Fuera di a asesina un persona, un bouncer a keda herida, kende a keda practicamente paralitico y no por cana mas.

Dia a trata e caso algun siman pasa, ya caba e asesino Yellow a laga sa cu e no ta interesa di bin Aruba pa scucha e veredicto.

Fiscal a demanda 18 aña di prison y den e caso aki e acusado a haya tambe 18 aña for di Huez.

E lo por sinta solamente 12 aña di prison, si e comporta su mes bon. Contra e complice, R van de B. for di kende Yellow a haya e arma un rato prome cu el a tira e dos bouncernan banda di The Olde Molen, Fiscal a pidi 2 aña di prison. Huez a dicta tambe 2 aña sera manda demanda pa Ministerio Publico.



KIPROLLADE

Pa loke t’e veredicto den e caso di e miyones den asina yama Kip Rollade, e veredicto penal lo ta dia 18 di october benidero. Manera menciona esey lo ta uitspraak den e caso penal (dus pa nan castigo), pa cual Fiscal a pidi 5 aña di prison, loke observadornan ta haya un castigo di

prison hopi abao.

Pa loke t’e caso cu Ministerio Publico tambe a cumenza di e “ontneming”, confisca tur loke nan a haya for di e negoshi aki, e veredicto lo ta dia 28 di november.

Marck Oduber, sigur a haci un bon trabao

Cu Dios su poder, Matthew a spaar Aruba di un calamidad

E alerta pa un horcan no ta valido mas

SEGUN nochi tabata serando diahuebs ultimo, despues cu varios negoshi y hasta algun departamentu gubernamental a sera mandando tur hende cas, y loke tabata e caso ayera tambe, esta basta hende no a bay traha, pasobra e situacion tabata tenso y pa nan propio proteccion, tanten cu ta posibel, negoshinan a sera.

Pero prome cu e tempestad mes yega, cu a ser bisa cu ta banda di 2 pa 4 or di madrugada, por a nota cu ta awasero so a cay, sin causa algun peliger pa ningun hende.

Aki aya, matanan grandi di mata, a cay, ya cu e raiz

no por a wanta e peso di e mata mas, manera p.e. dilanti di DA, pa cual mester a sera e caminda paralelo pa corta e mata. Un otro cu a cay t’e palo di kwihi na Fort Zoutman, cu a cay prome cu e mal tempo a yega mes.

Laman si tabata halto, treciendo basta sushi riba nos beachnan.

Un di e preocupacionnan cada bes cu laman cambia di direccion, ta e.o. banda di Tamarijn Beach Hotel, unda por a mira con laman e biaha aki a bo;be kibra e murya y come masha hopi di e beach cu tin, te yega n’e caminda principal.


Por lo general, Aruba ta-

bata bon prepara pa recibi Matthew.

Na algun bario na Aruba, hasta coriente a bay. Horcan Matthew tabata ubica 11’ or di mainta mas o menos na 150km Noord-Noordwest di Aruba. Matthew a move westzuidwest cu 19 km/ora, cu biontonan maximo rond di e centro di 185 km/ora.

E alerta pa Tormeta Tropical no ta na vigor mas. Banda di e team organisa pa prepara pa Calamidad, un di e actornan sigur nos kier reconoce y esey ta Marck Oduber, Hefe di Meteo di Aruba, kende hasta a bira blanco di critica di algun reportero, sin mester.

Marck Oduber, kende a studia p’e profesion aki, sa di kico e ta papia, maske ningun hende no por predici un fenomeno di natura-



leza.

Pronostico te cu awe mainta ta, cu parcialmente nubla te basta nubla. Rato-rato chens pa awasero compania cu lamper y strena. Biento di zuidoost alrededor di 18 kts, cu rafaga te 28 kts. Posibilidad di awa 60%. Olanan riba lama grandi lo ta 5 pa 10 pia.

Den e ultimo 24 ora a registra caida di awa 32 MM na Meteo, 28.5MM na Playa. Corda cu tempo por cambia semper, pues sigui e bo-

letin di tempo di Meteo. Mester bisa, cu Matthew no a resulta manera Aruba a pasa cu Ivan y Lenny y sigur mester gradici Dios p’esaki.



Cu e ultimo firma un capitulo ta sera y otro ta habri

Refineria a bira patrimonio di pueblo Arubano



DIABIerna dia 30 di september 2016 e tramitanan cu ta regarda reapertura di refineria dor di CITGO USA, establecimiento oficial di RDA NV y traspaso di tereno di Valero a keda oficialisa pa medio di un acta notarial.

Esaki t'e procedura legal cu mester a tuma lugar despues cu Parlamento di Aruba a aproba den forma casi unanime reapertura di e refineria.

Tambe a funda e compania estatal cu ta haya e nomber Refineria di Aruba (RDA) y e terenonan di Valero ta bay over pa Gobierno cu ta pas'e pa RDA cu, na su turno, ta lease mayoria di e terenonan aki cu CITGO USA. Presente n'e ocasion special aki, ayera mainta tabata Ministernan Mike Eman, Benny Sevinger y Angel Bermudez, kandidaat notaris mr Chamilia Tromp di oficina di Notario Johnson, ehecutivonan halto di CITGO USA, di Valero, sr. Alvin Koolman di RDA y abogadonan di tur partido envolvi cu tabata repasa e documentonan un pa un prome cu nan por a wordo firma.

Minister di Energia, Mike de Meza, kende hopi ta considera e motor tras di e logro aki, no tabata presente, pero el a scoge pa ta presente na graduacion di su yiu muher como dokter nobo pa Aruba, na Hulanda. Cu e ultimo firmanan aki e refineria a bira oficialmente propiedad di Aruba entrante awe dia 1 di october 2016. Awor trabou ta start.

Piscadornan na Roger's Beach

Mester a saca nan boto for di laman



E piscadornan di pariba di brug, cu tin nan boto mara na e.o. Roger's Beach a haya nan ayera mainta ta uni forza pa saca nan boto for di laman, prome cu esakinan sink. Ya n'e momento ey, tin algun di nan a haci awa.

Hopi lo a kere cu Matthew lo no ta un peliger pa nan boto, pero nan tabata equiboca. Ora cu biento a cambia di direccion y consecuentemente e coriente di laman, a bira un menasa pa hopi boto, tambe p'esnan na Roger's Beach, manera por mira aki.



Prome Minister Eman y Minister di Infrastructura, Sevinger inspeccionando sistema di drenahe rond di Aruba

A firma ley di reapertura di refineria di Aruba na San Nicolas



DIAHUEBS mainta Prome Minister Mike Eman y su colega Minister encarga cu, e.o. e cartera di, Infrastructura, Benny Sevinger tabata rond di Aruba cu funcionarionan di DOW inspeccionando diferente sistema di drenahe.

Esaki debi n'e tempestad cu tabata na caminda, Matthew. Hunto cu e funcionarionan di DOW, cu tabata duna splicacion detaya di cada sistema y con nan ta traha, a pasa e.o. na Madiki, Bushiri, Pos Abou, Palm Beach, Pos Chiquito y Zeewijk.

Despues cu ley pa reapertura di refineria di Aruba a keda aproba den Parlamento, el a bay na Gobernador di Aruba pa wordo firma y finalmente Ministernan mester firma esaki.

Pero mirando cu Ministernan Eman y Sevinger tabata inspeccionando varios lugar, for di Bestuurskantoor, a sali cu e documentonan pa localisa Ministernan Eman y Sevinger cu falta pa firma, p'asina oficialisa e ley.

Pa puro casualidad, a logra haya e dos Ministernan net ora nan tabata na Zeewijk y ey mes a firma e documentonan.

Riba e combinacion di potretnan por mira e Ministernan ta firma y e tankinan di Valero den bario di Zeewijk, distrito di San Nicolas, cu pa prome di october ta bira propiedad tambe di Pais Aruba.

Cu e ley pa reapertura di e refineria confirma, e.o., Aruba a bira doño di su mesun refineria despues di mas di 90 aña di actividad petrolero na Aruba, un pilar economico y historico di Pais Aruba.

Aruba ta bay lease CITGO Petroleum Corporation e refineria pa opera esaki.




DIASABRA DIA 1 DI OCTOBER 2016

1/5.. EVEN THOUGH — BRIAN JAMES

2/1.. THAT LOVE — SHAGGY

3/7.. KISS THE SKY — JASON DERULLO

4/9.. MAS MACARENA — GENTE DE LA ZONA

5/2.. BAN CONVERSA — LANDHA HENRIQUEZ

6/11.. CAREY ME — KYGO — JULIA MICHAELS

7/13.. MUCHACHITA LINDA — TSUNAMI

8/12.. BASILA — HILDWARDS DUSHI BAND-MAN JOE

9/6.. I WANT YOU BEARSON CALL

10/15.. BOBO — JA BALVIN

11/19.. I LL BE THAT FRIEND JODIE ABACUS

12/20.. HOUSE WORK — JAX JONES - MIKE DUNN

13/10.. SIN TIN — JUAN PIERO

14/8.. LA CARTERA — PRINCE ROYCE

15/3.. CAFE DEL MAR — MAT AND FUTURISTIC

16/4.. THE SHOW MUST GO ON — CELINE DION

17/—WHAT WOULD YOU DO —CHRIS BROWN

18/—ANYWHERE — PASSENGER

19/14.. LOST CONTROL - MAT SIMONS

20/ 18.. SI BO KIER BO BAY — STEPHANIE - ATANIRO®

BROADCAST ON HIT 94 FM STEREO

SATURDAYS FROM 4.00 - 6.00 P.M.

Diahuebs mainta:

Prome Minister Eman y Minister Sevinger hunto cu funcionarionan di DOW a inspecciona diferente sistema drenahe rond Aruba



PA varios dia caba Ministernan Mike Eman y Benny Sevinger, hunto cu varios otro Minister di Gabinete Mike Eman tabata ocupa cu trabounan di organisacion y planning p'asina Aruba ta bon prepara pa cualkier efecto cu Tormenta Tropical of Horcan por causa riba nos isla.

Diahuebs mainta Prome Minister Mike Eman y su colega Minister Benny Sevinger, encarga cu Infraestructura, a pasa inspecciona diferente sistema di drenahe di awa rond di Aruba.

Durante e recorrido na, e.o., Madiki, Bushiri, Pos Abou, Palm Beach, Pos Chikito y Zeewijk, funcionarionan di DOW tambe tabata presente pa informa e Ministernan.

E prome lugar cu e dos mandatarionan a yega tabata e gulido na Madiki unda cu por a constata cu despues di e limpieza e anochi anterior ya caba e yobida di mainta a lastra un cantidad di sushi y mata cu a keda pega eyden, potencialmente strobando e fluho di yobida fuerte mas laat. Den un consulta entre e Ministernan y e funcionarionan ey bou mes y otro supervisornan via telefon a regla cu un team por limpia e gulido mas liher cu ta posibel y un otro cu por sigui monitoria e situacion despues.

Na Bushiri por a constata cu ya caba tabatin un pomp den uzo pa recoge e awa cu a keda acumula banda di e casan di FCCA.

Saliendo for di Bushiri rumbo pa pa Pos Abou, Prome Minister Eman hunto Minister Sevinger a topa cu ex-trainer di River Plate, tempo cu Benny Sevinger tabata hoben y hunga futbol ainda, cu tabatin mester ayudo.

Pacheco, conoci den mundo di deporte di futbol, tabata pega cu su pick-up den e lodo ocasiona pa yobidanan fuerte e mainta ey.

Prome Minister Eman, tabata cu su Jeep cu tin un winge dilanti y a pega esaki riba pick-up. Hopi liher por a saca Pacheco for di e situacion fastioso cu el a haye den dje.

“Mi no ta coy e caminda ey mas awor,” Pacheco a bisa Eman y Sevinger y a gradici masha hopi p’e ayudo oportuno.

Na Bubali a bishita 4 diferente area unda tin e canalnan cu ta transporta e awa pa lama, despues cu e baha for di Tanki Leendert y por a constata cu nan tabata den bon condicion.

E mas ultimo a wordo construi 2011 y a sirbi su proposito, segun funcionarionan di DOW a splica e mandatarionan.

Tur cos tabata den bon condicion tambe n’e sluis di Bubali Plas.



Despues, Prome Minister Eman y Minister Sevinger a sigui p'e area di Palm Beach, e becindario di e stacion di gasolin, cu tabata wordo afecta antes constantemente pa inundacion debi na su nivel, pero no a conoce e situacion aki mas for di tempo cu Gobierno a cambia e tubonan cu ta pasa bou di tera pa uno mas hanchu, transportando asina mas awa p'e sistema di dreña cu DOW ta maneha.

Pariba di brug, e Ministernan a pasa Pos Chiquito caminda a pasa wak e dos canalnan cu a coba pa manda awa lama cu a yuda inmensamente.

Tabata na 2005 ora cu tempo di horcan Ivan varios cas di e bario aki a keda inunda. Mester a haci un trabou grandi pa coba dos canal, unda a haya permiso di ciudadano Juan Werleman p'e sistema aki por a pasa den su cura di cas p'asina e awa di yobida por wordo hiba mas liher y eficientemente posibel pa lama.

Awe e construccion aki di DOW a haci cu no tin asina hopi awa mas cu ta keda para.

Na Zeewijk tambe a construi un canal basta largo cu a duplica cu e cantidad di awa cu por desvia e awa rumbo pa lama.

E Ministernan a combersa cu varios habitante di e becindario pa haya informacion di e situacion den e bario.

Hopi di e bisiñanan tabata kier sa si e parti di Zeewijk tambe e trabounan di Green Corridor lo yega pa nan mira un mehoracion di e caminda.

Cu alegria nan a ricibi confirmacion di esaki for di Minister Sevinger.



'Cálculo di crecimiento económico reducí ta un reto pa presupuesto'

Segun Age Bakker di CAft

MASKE tur hende tabata pendiente di Matthew e otro topico di discusion t'e señalamiento di parti di Age Bakker di CAft.

E Colegio di supervision financiero di Aruba (CAft) a consehá, considerando e cifranan di e crecimiento económico decepcionante, pa sigurá den e presupuesto supletorio 2016 manera primintí pa Gobièrnu y un Nota di Modificación cu e presupuestonan di 2016 y 2017 lo keda dentro di e normanan di déficit stipulá den e Ordenansa Nacional tocante supervision financiero temporal di Aruba (LAft).

Di acuerdo cu Age Bakker, e cifranan reciente di Banco Central di Aruba (CBA) ta muera cu tanto e crecimiento económico real como esun nominal ya pa algun tempo ta stancá.

Lamentable ta cu Banco Central y CAft, no ta bisa pakico na nan opinion cu economia di Aruba ta stanca.

Esey lo ta interesante pa tende y kico pa haci p'e cuminsa move. Critica y sin bisa kico lo por t'e solucion hopi hende por haci, pero duna e recomendacionnan pa drecha nos economia, tur hende kier tende.

Mester haya un bista mas cla riba e manera cu e efectonan positivo di re-apertura di e refineria lo compensá e efecto negativo cu e crecimiento económico ahustá tin riba e entradanan.

E Colegio ta observá cu e recomendacionnan di CAft y di Consejo Consultativo pa ahustá e entradanan den e proyecto di presupuesto di 2017 lo mester keda reflehá den e Nota di Modificación.

Den su consejo definitivo tocante e presupuesto di 2017 aprobá e Colegio lo analisá si e presupuesto ta cumpli cu e normanan di LAft.

Ta di spera cu den siman benidero por haya reaccion di e.o. Minister di Finanza, Angel Bermudez y di Minister di Asunto Economico, ing. Mike de Meza riba e observacion haci aki. Y sigur ta di spera reaccion di lider di fraccion di AVP den Parlamento, drs. Rene (Baba) Herde, kende semper tabata critico encuanto e consehonan di CAft.



RIJLES

SPECIAL Afl. **297,00**

5943263 / 5826732 **HERMUS**
hermusrijnschoolnv.com **Rijschool NV.**
SIVIDI VI 1-C O'stad

Riba invitacion di partido PAS

Dirk Dumfries, como miembro di COPPPAL a keda invita



WILLEMSTAD - Siman a yega Corsou e èx Parlamentario di Aruba, sr. Dirk Dumfries como miembro di COPPPAL riba invitacion di Presidente di partido PAS pa yuda observá eleccion, cu mester a tuma lugar ayera dia 30 di sèptèmber, pero a keda pospone te dia 7 awor.

Esaki ta di 12 biaha cu Dirk Dumfries ta wòrdo invitá pa observá eleccion político den exterior. Dirk Dumfries a yega di observá na Colombia, Republica Dominicana, Panama, Guatemala y esaki ta bira su di dos bes na Corsou. Esaki ta un bon noticia pa amantenan di democracia cu ta mira cu e calidad di eleccion ta wòrdo vigilá dor di un experto invitado.

Partido PAS ta desea Dirk Dumfries hopi exito cu su tarea pa observá nan eleccion y a yam'é un bes mas bon bini na Corsou.

Awor cu e eleccion a keda posponi, e pregunta ta si partido PAS lo cubri su gastonan di hospedahe te cu diabierna awor.

Ta buscando doño cacho tefi chikito haya na Mangel Halto



RIB'E mainta di 29 di september, un cacho tefi chikito color preto cu banchi cora a ser haya na Mangel Halto.

E cacho tabata yora y tembla hopi y tabatin miedo. E ta bon cuida y actualmente ta buscando su doño. Si e doño of un conoci di e doño ta reconoce e cacho, por fabor tuma contacto cu Giolina na telefon 5924333.



Cuater sospechoso deteni relaciona cu ladroncia di "flatscreen"



De Doorhandle
 Avenida Milla J. Croce # 118 - A
 Tel: 5883948, Fax: 5883945
 Office Hours: Market on Delicias
 Monday: 9:30AM-5:30PM (phone)
 E-mail: doorhandle@estatelaw

**HENGEN * BETONDUIJEN *
 GRONDGRENDELS * SCHUIVEN
 RAVEELDRAGERS
 PERGOLADRAGERS * WINDHAKEN**

**DRAGON
 CD & ELECTRONICS**

Mainstreet San Nicolas Tel. 584-3999
 open 9.00 - 13.00 and 14.30 - 18.30

Dragon specials

 Samsung note edge
 blu sport 4.5
 afl. 210.00
 Samsung s3 mini
 afl. 315.00

Also: Samsung S5, s5 mini, Samsung S4, Samsung 4 mini, S3 mini etc.,...
 Accessories for all Samsung and Iphone models

Toshiba Laptop 15.6" 4Gb 320Gb Harddisk. Afl. 900.00
 Hp Ink cartridges, Universal laptop adapters etc..
 iTunes gift cards \$ 10.00, \$ 15.00 and \$25.00,
 Google play cards and Playstation Network cards.

Sales, repair and accessories for all Samsung models and other cellualars.
 Unlock, reload, reset, upgrade, replace lcd, keypad, speaker etc.,...

WILLEMSTAD – Diabierna 30 di september 2016, alrededor di 5:40, Central di Polis a dirigi un patruya na un establecimiento electronico riba Jan Noorduynweg caminda tin ladron den e accion.

Na yegada di e patruya a resulta cu algo prome tres tipo lo mester a core bay na pia for di e sitio den direccion di Juan Domingo. For di un investigacion cu Polis a realisa na e sitio nan a constata cu e dak y plafon di e establecimiento tabata kibra.

Polis a haci un investigacion den e barrio di Juan Domingo y bisindario y bahando e cero di Souax direccion di rotonde Zegu Polis a mira un auto blanco lorando e rotonde riba velocidad halto direccion di Banda Bou.

En conexion cu esaki Polis a sigui e auto

aki y a mira con e auto

a paga su luznan y core drenta den cura di un cas na Souax. Polis a core subi e tereno y a nota dos homber, un chauffeur cual a baha core bay ora el a mira e patruya y un homber para pafo di e auto.

Polis a bay controla den e auto y a haya 4 "flatscreen" den nan caha, 2 parti patras y 2 den baul di e auto probablemente procedente di ladroncia.

En conexion cu esaki Polis a detene e homber S.Y.S.L. naci na Corsou di 25 aña cu tabata para pafo di e auto como sospechoso di kiebro/ladroncia.

Polis a confisca e auto y e cuater "flatscreen" pa mas investigacion.

A presenta S.Y.S.L. dilanti di un Fiscal Auxiliar cu a ordena su encarcelamento, pendiente di mas investigacion.

Tres sospechoso deteni y diferente articulo confisca despues di persecucion



WILLEMSTAD – Diabierna 30 di september 2016, alrededor di 4:55, Central di Polis a haya informacion cu probablemente un kiebro ta tumando luga den un establecimiento na Brakkaput Ariba.

E patruya cu tabata dirigiendo su mes p'e sitio a nota riba Kaminda Broedernan di Brakapoti un pickup cora cu basta articulo den su baki.

E patruya Polis a cuminsa cu un persecucion mes ora tras di e pickup aki y a logra para esaki riba Kaminda Broedernan di Brakapoti na altura di entrada di Jan Sofat.

Dos di e ocupantenan a baha for di e vehiculo y huy bay na pia y Polis a logra detene e tres persona cu a keda den e pickup.

Den baki di e pickup Polis a haya y confisca un frididaire cu contenido y tambe bebida alcoholico probablemente procedente di e kiebro. Polis a confisca e pickup y tur e articulonan pa mas investigacion.

E tres sospechoso cu a keda detene ta e homber R.J.V. naci na Corsou di 40 aña y tambe dos menor di edad cual ta C.M.V. naci na Corsou di 15 aña y C.V. naci na Corsou di 14 aña.

A presenta tur tres sospechoso dilanti di un Fiscal Auxiliar cu a ordena nan encarcelamento, pendiente di mas investigacion.



Auto cendi na candela intencionalmente den Sero Patrishi



DIABIERNA merdia, pa mas o menos 1:20pm, presencia di Polis y Bomberonan a ser solicita pa un auto completamente na candela den area di Sero Patrishi.

E auto a keda completamente kima y tabata forma un menasa grandi pa mondi y e casnan den cercania. Investigacion policial a determina cu e candela a ser causa intencionalmente pa mentenan trastorna. Polis lo sigui e caso aki di cerca.

Tres homber sospechoso deteni na Rooi Frances

EN conexion cu Horcan “Matthew”, Gobierno a activa 360 Polis pa nort di Aruba. Durante cu e tormenta tropical tabata pasando, Polis a nota di un Honda color preto cu tres persona sospechoso, pa cual a dicidi di para nan. Tur tres homber sospechoso a keda deteni. Motibo exacto p’e detencion no ta conoci, pero no por descarta e posibilidad cu e sospechosonan ta parti di e tanto personanan indocumenta riba nos isla. Na final, tur tres a keda transporta pa Warda di Polis.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

“Den bo man mi ta entrega mi alma,
Den bo compania mi no tin falta di nada,
Bo ta mi Salvador, mi Señor i mi Dios”

A bai sosega den brasa di Señor nos querido y inolvidabel tata, suegro, abuelo y tio
Cu inmenso tristeza na nos curazon nos ta participa fayecimento di:



Juvencio V. Cuba

Mihor conoci como “Feng”
Ex trahador di D.O.W.
*08-02-1955 - †23-09-2016

Na nomber su
Yiunan stima:

Johnny Cuba y yiunan na Hulanda
Melida Cuba y Shannon y yiunan
Jesscia Cuba y Lisandro y yiunan

Mama di su yiunan: Maria Lucrecia Hernandez

Su nietonan: Cee—Cyon, Juandro, Aron
Yshandro, Jayron

Su nietanan: Diandra, Tatiaa, Shay-Mery
Dashenka, Pinky, Jeliandra

Su rumannan: Juan y Esposa †Monica y yiunan
†Carmen y Esposo Guillermo y yiunan
Omaira y Esposo Alfonso y yiunan
Vale y Esposa Mirtha y yiunan
Lola y yiunan na Hulanda
Susanan (Leta) y Esposo Andres y yiunan na Venezuela

Swa & Cuñanan: Hernandez y Cuba
Su omo: Olindo Thiel
Su Madrina: Eva Thiel

Sobrina y Sobrinonan na Aruba, Venezuela y Hulanda,
primo y primanan, comer y compeman, lhanan, su bon
bisinjanan y tur verpleegsternan di SABA.

Y demas famia: Cuba, Hernandez, Tromp, Rodriguez,
Dirks, Vrolijk, Webb, Lints, Maduro, Ismael, WOuters,
Krist, Santiago, Ras, Koolman, Angela, Croes, Naar,
Herrera, Ortado, Gonzalez.

Acto di entierio lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador, mi'n tin falta di nada,
den cunucu di yerba berde E ta pone mi sosega.
E ta hiba mi na awa tranquil, pa mi bolbe haya forza.
Salmo: 23.1

A bay sosega den brasa di Señor:




Rudolfo Geerman

Acto di entierio lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

“Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forza”.
Salmo: 23



Filomena Antonia Hijmering Luidens

Mihor conoci como “Mena”
*23-10-1945 - †27-09-2016

Acto di entierio lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Señor ta mi wardador, mi'n tin falta di nada,
den cunucu di yerba berde E ta pone mi sosega.
E ta hiba mi na awa tranquil, pa mi bolbe haya forza.
Salmo: 23.1

A bay sosega den brasa di Señor:



Stefanus Tromp

*26-12-1931 - †28-09-2016

Acto di entierio lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

“Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forza”.
Salmo: 23

A bay sosega den brasa di Señor:



Andres F. Holsman

*28-02-1956 - †27-09-2016

Acto di entierio ta wordo anuncia despues.

Tres hoben a menasa habitante cu arma di candela

RECIENTEMENTE, un habitante di Duartestraat a wordo menasa cu arma di candela pa tres hoben conoci pa husticia.

Na yegada di Polis, e habitante a duna su declaracion di locual a sosode y Polis a controla e vecindario en busca di e hobennan sospechoso. Te banda di Driemasterstraat na Madiki, Polis a topa cu un auto sospechoso y a duna señal pa para.

E auto a dura un rato prome cu el a para y Polis por a listra nan. A topa cu e tres hoben sospechoso, un di cual tabata bou influencia di un of otro substancia. Tur tres a keda deteni y a listra e auto tambe pa cualkier otro irregularidad.

Radio Direct no a paga A. Bertinus pa enrevista

WILLEMSTAD – Reaccionando riba un artículo cu a sali den cierto medio di comunicacion, gerencia di emisoranan Direct kier a enfatisá y pone bon cla lo siguiente; Gerencia di emisoranan Direct, bou di maneho di Jachmin Pinedo Productions N.V. no a paga pa haña ningun entrevista di sr. A. Bertinus pa papia nada contra di sr. Gerrit Schotte. Den e declaracion di RST, ta bin dilanti cu sr. A. Bertinus a declará lo siguiente: “Vorig jaar heb ik tegen betaling wat naar voren gebracht op Radio Direct. Ik had een stuk papier

ontvangen met daarop een tekst die ik naar voren moest brengen.

Het radioprogramma was met interviewer Richeron Balentien. Het was een paar maanden terug. In 2013.” Den e declaracion di sr. A. Bertinus na febrüari 2014, a bin dilanti cu el a ricibí pago y un papel pa haci un entrevista na radio Direct cerca Richeron Balentien.

Pero ningun momento so ta bin dilanti ken a paga, ni tampoco ken a entrega e papel pe declará contra di sr. Gerrit

Schotte.

Si acaso sr. A. Bertinus tin prueba di lo contrario, e ta liber pa trece esaki pa dilanti.

Emisoranan Direct ta enfatisá cu hamas gerencia a paga pa entrevista, y ta distancia su mes completamente for di e declaracion aki.

Cu e asunto aki a bin dilanti aworakí, Radio Direct ta considerá esaki como un ‘stunt’ político di un partido participando na eleccion benidero. Emisoranan Direct ta para semper pa transparencia y e bèrdad!

Candela a menasa cas na Savaneta



DEN oranan di atardi, Polis y Unidad di Bombero a ser despacha cu urgencia pa un cas na candela den Savaneta.

Na yegada, a constata cu habitantenan no tabata t’ey na momento cu huma tabata sali for di e cas. A kibra un plywood cu tabata pega na entrada di e cas pa dreña y asina controla e candela.

Personal di Elmar a wordo notifica pa kita e fusenan y evita un peligro mas grandi.

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Lagrima y floran por seca su recuerdonan y tur loke e la hasi y significa pa nos lo keda graba pa semper den nos mente y curason.

"Cerca Dios mi alma ta na paz,
ta di dj'E mi salvacion ta bini."
Salmo 62:1

Cu inmenso dolor na nos curason pero conforme cu boluntad di Dios nos ta anuncia fayecimento di:



**Virginia Margolina
Rasmijn-Van Der Biezen**

mihor conoci como "Lina"
*11-02-1944 - †26-09-2016

Ta invita pa acto di despedida y cremashon cu lo tuma lugar na Aurora Funeral Home dialuna 3 october 2016 di 2'or pa 4'or di atardi. Despues e cremashon lo wordo tuma den seno familiar.

Condolencia lo tuma lugar na Aurora Funeral Home diasabra 1 october 2016 di 7'or pa 9'or di anochi.

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

" Na pas lo mi bai drumi y pega soño,
Pasobra ta Abo so, O SEÑOR,
Ta hasi mi biba den seguridad "

A bay sosega den brasa di Señor:



**Marlene Sylvia
Westerburger**

*03-07-1934 †28-09-2016

Acto di entierro lo wordo anuncia despues

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Minister Croes ta elabora riba desaroyo di e Programa di Certificacion di Citgo

HURRY! FRESH DEALS!

BAKERY DEAL

ROOMBOTER KERSENHOEF

Reg. Price: 5 awg

2 FOR 4 awg

SPECIAL DEAL

TILAPIA FILLET SEASONED

per 500 g

Reg. Price: 13.29 awg

NOW 9.99 awg

US ENTRECANTO per 500 g

Reg. Price: 18.95 awg

NOW 12.99 awg

SHORT RIBS per 500 g

Reg. Price: 13.45 awg

NOW 9.99 awg

POTATO CHICKEN SALAD per 100 g

Reg. Price: 1.62 awg

NOW 1.19 awg

LOW SODIUM QUESO PAISA per 100 g

Reg. Price: 2.50 awg

NOW 1.99 awg

MUSSELMANS APPLE JUICE 64OZ

Reg. Price: 7.39 awg

NOW 5.99 awg

Starting Friday September 30 till October 2, 2016 or while supplies last. Limited Offer Check them out now!

www.lingandsons.com [lingandsons](https://www.facebook.com/lingandsons) [lingandsons](https://twitter.com/lingandsons)

THE #1 SUPERMARKET IN ARUBA

DURANTE e tratamento di e ley di Citgo, Parlamentarionan a haci diferente pregunta referente nos hobennan y yiunan di tera cu ta subiando e mercado laboral den diferente sector.

Mirando e desaroyo importante cu Citgo lo trece cu ne p'e mercado laboral, Gobierno di Aruba a inclui den e discusionnan aki, un programa di certificacion pa hobennan cu ta terminando diferente estudio.

E programa aki, ta uno cu Minister Croes a traha riba dj'e pensando especificamente riba nos hobennan cu mayan lo mester ta esunnan cu ta carga e trabounan den un refinaria.

Banda di esaki a inclui un programa di certificacion pa e sector energetico tambe p'asina amplia e posibilidadnan pa mas hoben haya un empleo den e refinaria. Minister Croes a duna di conoce cu a tuma nota cu tin varios hoben cu tin e abilidad tecnico, e capacidad y sa con pa traha den e ramo pa cual rason Minister Croes a

pone enfoke pa no tin ningun clase di barera pa stroba nos hobennan haya un trabou den e refinaria.

Pa haci esaki posibel, Minister Paul Croes a pone enfasis riba pa inclui un programa den e certificacion program aki cu ta pone atencion tambe rib'e aspecto social.

Minister Croes ta kere firmemente cu mester kita e bareranan social cu tin pa un hoben por drenta e mercado laboral p'asina un y tur tin e oportunidad husto pa haya un trabou den e refinaria, cu un bon salario y un estabilidad financiero y tambe un posibilidad pa por crece tambe eventualmente den e refinaria.

Pa finalisa, e Minister en cuestion a duna di conoce cu hopi trahador Arubiano a cuminsa cu un edad hoben den e refinaria, y e programa di certificacion aki ta pa garantisa cu cada hoben

cu ta terminando nan estudio awor, tambe por traha den e refinaria.




Candidatanan pa Miss Colombia tabata na Aruba



NA principio di e siman aki, tabata na Aruba, candidatanan pa Miss Colombia, cu aya ta ser yama, Princesa Colombia. Ta Aruba Convention Center a invita e beyezanan aki pa bin conoce Aruba y sa mas di nos isla y asina bira Embahadornan di Bon Boluntad di nos pais.

Nan tabatin un siman di actividad y dlanan mester a bolbe, nan no kier a bay, pero a pidi pa keda algun dia mas. E dlanan cu nan a pasa na Aruba, hamas nan por lubida. No ta keda nos nada otro di desea cada un di nan tur clase di exito den e proximo certamen.



Venezuela su team a yega Aruba pa Best of the Best Taekwondo Cup



AYERA mainta e team di Jose Hernandez for di Punto Fijo, Venezuela a yega Aruba cu un total di 15 persona, 10 atleta, 2 coach, hefe di mis-ion y dos mayor pa participa na Best of the Best Taekwondo Cup 2016.

Jose Hernandez a bishita Aruba p'e aña aki masha hopi biaha caba pa e.o. e camp training di Russell Beneby como tambe p'e camp training di ex Campeon Mundial y Hall of Famer, Henk Meijer.

Tur aña Jose Hernandez ta participa na campeonatonan na Aruba y

awor a cumpli p'asina ta presente na Best of the Best 2016.

Best of the Best ta conta cu 10 participante for di Venezuela y 8 for di Surinam. Corsou ta pega debi cu e aerolinea tin retraso atrobe y ainda no ta sigur si Corsou lo yega pa participa na Best of the Best 2016.

Awe diasabra anochi e evento ta cuminsa pa 7'or na Centro di Bario Brazil y Aruba lo enfrenta Venezuela y Surinam.

Ora di vota....

Musiconan no mester lubidá cu ainda no a paga nan pa Carnaval

WILLEMSTAD – Diabierne awor pueblo di Còrsou ta haña e oportunidad único pa den un forma democrático expresá su escogo pa un Parlamento nobo.

Relacioná cu esaki, Directiva di AMAK a pidi tur músico y artista pa reflexioná y evaluá e último 4 aña di gobernacion den un forma obhetivo y analisá si enbèrdad esnan cu tabata dirigí e pais aki a duna suficiente atencion na nos cultura.

Por tabatin algun Parlamentario y/o Gobernante cu a duna atencion den un òf otro forma na nos cultura.

Pero realidad ta tambe cu te awe p.e. nos músico y artistanan cu a sacrificá nan tempo, nan creatividad pa duna aporte na Carnaval, no por a ricibí pago p'esey.

Esaki ta di lamentá cu ta bay cumpli 2 aña cu te ainda apesar di prome-sanan, te n'e momentonan aki no a duna resultado concreto.

Proyectonan di formacion musical y cultural tambe mester di mas sosten financiero y mas atencion si enbèrdad cualkier Gobièrno kier traha den un forma preventivo pa ataca e ola di criminalidad.

Ehèmpelnan palpabel rònd mundo y den Caribe a demostrá cu na momento cu pone suficiente atencion na cultura y deporte, esaki lo contribuí na crea un pais mas sano, un pais cu menos criminalidad. Actualmente t'asina cu tin diferente músico y artista riba e diferente listanan político.





AWEMainta

#1 Online

Completamente

DIGITAL

Ricibi AWEMainta tur dia den bo inbox

Manda bo E-mail na noticia@awemainta.com

Haya tur e edicion di
AWEMainta riba nos website

www.awemainta.com



Like nos riba Facebook

www.facebook.com/awemainta